

Atuisunut paasissutissiissut nakorsaatip puuanut ilanngussaq

Pinex Junior

125, 250 mg erlummut manguttakkat
paracetamol

Nakorsaammik atulersinnak paasissutissiissut una pingaarutilinnik imalik peqqissaarullugu atuaruk.

Nakorsaat paasissutissiissummi matumani nassuiaatigineqartut nakorsap nakorsaatilerisullunniit innersuussutai naapertoqqissaarlugit atortaruk.

- Paasissutissiissut kingorna atorfissaqartilerninnaagakku toqqussavat.
- Allamik apequtissaqaruit nakorsaatilerisoq aperiuk.
- Matumani allasimangikkaluamik kingunerluuteqalissaguit nakorsaq nakorsaatilerisorluunniit attavigiuk. (tak.imm. 4)
- Ajornerulissaguit ullullunniit marluk-pingasut ingerlaneranni pitsaanerulinngikkuit nakorsaq attavigiuk.
- Paasissutissiissut nutarterlaaq nittartakkami www.indlaegsseddel.dk pissarsiassaavoq.

Paasissutissap imai:

1. Sunniutaat atorneqarfissaallu
2. Atulersinnagit ilisimasassat
3. Atorneqarnissaat
4. Kingunerluutit
5. Sumiitinnissaat
6. Poortat imartussusaat paasissutissallu allat

1. Sunniutaat atorneqarfissaallu

Pinex Junior nipaallisaataapput kissarnermillu appartitsisarlutik.

Pinex Junior erlummut manguttakkat annerisanut annikitsunut soorlu niaqorlunnermut, aaqarnermut atatillugu anniarnermut, kiguserinermet, nukitsigut naggussatigullu anniaatinut kissarnermullu apparsaatitut atorneqarsinnaapput.

Ullut marluk pingasullu akornanni pitsaanerulinngikkuit nakorsaq attavigiuk.

Nakorsaq allamat iluaqutissatut innersuussippat allatullu annertussusiliisimappat tamatigut nakorsap innersuussutaa puuanilu annertussusissaatut innersuussaq maleruassavatit.

2. Pinex Junior atulersinnagit ilisimasassat

Pinex Junior atussanngilatit:

- paracetamol akuisaluunniit arlaat alla saperukku (imm 6-takuuk).
- tingulluuteqaruit.

Mianersoqqussutit

Mianersoqqussut

- Annertussusissatut innersuussap sipporneqarnera inuunermut navianartorsiutaasumik toqunartunittoorutaasinnaavoq. Ingasaassisimasinnaaneq pasitsaanneqarpat ingerlaannaq nakorsaq attavigisariaqarpat.
- Saniatigut paracetamol-imik akulimmik allamik nakorsaateqaruit ingasaassisinnaaneq ulorianaateqarpoq.

Pinex Junior erlummut manguttakkat atulersinnagit nakorsamik oqaluussaqaqqaassaait:

- tingulluuteqaruit
- tartuluttuuguit
- nerisarluukkuit -soorlu imigassamik atornerluisuunikkut, nerinaveersaartaruit(anoreksi) imal. peqqinnanngitsunik nerisaqaruit tingullulersinnaanerit pissutigalugu annikinnerusumik atuisaait.
- kissarulukkuit, aseruuttoornermut ersiuteqaruit (ass. toqqusaarlukkuit), imal. ullut pingasut sinnerlugit anniaruit.

Maluginiagassait:

- Nipaallisaait assigiinngitsut arlallit piffissami sivisuumi atugarigukkit tartut suliunnaarnerannik kinguneqartumik akornusersinnaavatit.
- Pinex Junior piffissami sivisuumi niaqorissaaitut atorukkit sakkortunermik niaqorlukulanerulersinnaavutit. Akulikinnerusumik ullulluunniit tamaasa niaqorluttaruit nakorsaq attavigiuk.
- Aaversinnerit quumillu misissuinerit inernerinut sunniuteqarsinnaammat, misissortinninnut atatillugu tamatigut Pinex Junior-inik nakorsaateqarnerit ilisimatitsissutigisaruk.

Pinex Junior saniatigut allanik nakorsaateqaruit

Nakorsaatnik allanik atuiguit qanittukkulluunniit atuisimaguit tamatigut nakorsamut nakorsaaterisumulluunniit oqaatigisakkit

Makku arlaat nakorsaatigigukku nakorsaq oqaluuguk:

- Noqarnermut nakorsaat (ass. fenytoin aamma carbamazepin).
- Gigtimut nakorsaat (probenecid). Annertussusaa allanngotittariaqarsinnaassaaq
- Aammut imerpallasaait (ass. warfarin). Pinex Junior sivisuumik atugariuarsimagukku aanaartitsisnaavoq.

Maluginiaruk

Aap akuata orsup qaffasippallaarneranut nakorsaatitoruit (colestyramin), atuinissat minnerpaamik nal. ak. ataaseq sioqqullugu imal. nal. ak. sisamaniit arfinillit qaangiunneranni Pinex Junior erlummut manguttagaq atussavat. Tamanna pillugu nakorsaq oqaluuguk.

Naartuneq milutitsinerlu

Naartuguit milutitsiguilluunniit, naartusoriguit naartulersaarulluunniit, nakorsaat atornialersinnagu nakorsaq nakorsaatilerisorluunniit isumasioqqaassavat.

Naartunermi

Pinex Junior erlummut manguttakkat atorsinnaavatit.

Milutitsinermi

Pinex Junior erlummut manguttakkat atorsinnaavatit.

Angallannermi suliffimmilu isumannaallisaaneq

Pinex Junior angallattunut akuunermut suliffimmilu isumannaatsumik sulinissamut sunniuteqanngilaq.

3. Pinex Junior erlummut manguttakkat ima atorneqassapput

Pinex Junior paasissutissiissummi matumani nassuiaatit maleqqissaarlugit atussavatit imal. nakorsamit ilinnut innersuussutaappata tamatigut nakorsap innersuussutaa malittarissavat. Nalorniguit nakorsaq nakorsaatilerisorluunniit aperiuk. Nakorsaat aminnersaa siulliullugu erlunnut mangussavat.

Annertussusiliinermi innersuussutaasut:

Meeqqanut

Meeqqap oqimaassusaa apeqqutaavoq.

Pingasunngorlugu sisamanngorluguluunniit agguagassaq meeqqap kiiluanut ataatsimut 50 mg ullormut pineqarsinnaavoq.

Ullormulli 4000 mg qaangerneqanngisaannassaaq.

Assersuutit:

Meeqqap 10 kg-mik oqimaassusillip ullormut annerpaamik 500 mg pisinnaavaa imaappoq manguttagaq ataaseq 125 mg-iusoq ullormut annerpaamik sisamariarlugu.

Meeqqap 20 kg-mik oqimaassusillip ullormut annerpaamik 1000 mg pisinnaavaa imaappoq manguttagaq ataaseq 250-mg-iusoq ullormut annerpaamik sisamariarlugu.

Meeqqap 30 kg-mik oqimaassusillip ullormut annerpaamik 1500 mg pisinnaavaa imaappoq manguttakkat 250 mg-iusut marluk ullormut annerpaamik pingasoriarlugit.

Nakorsap innersuussutigippagu aatsaat meeqqanut marluk inorlugit ukiulinnut Pinex Junior atorneqarsinnaavoq.

Pinex Junior erlummut manguttakkat ingasaassimagukkit

Pinex Junior paasissutissiissut una nakorsalluunniit innersuussinera naapertorlugu ingasaattoorsimagukkit

nakorsaatip puua nassarlugu nakorsaq, ajoqusersimasunut nakorsiartarfik nakorsaatilerisorluunniit attavigiuk.

Innersuussutaasumik annertunerusumik atuineq ulorianaateqarpoq anigoruminaatsunillu kingunerluuteqarsinnaalluni. Tinguk sulisinnaajunnaarsinneqarsinnaavoq ilaatigullu tartut, aqajaqqup sanilequtaa paterlu ajoquserneqarsinnaalutittaaq.

Ingasaassinerup ersiutai ullut marlussuit qaangiunnerini takkukkajupput. Malussanngikkaluartutit tingut annertuumik

ajoqusersimasinnaavoq. Ingasaassisimasorineq paasiniariarlugu piaarnerpaamik sapinngisamillu nal. ak. qulit qaangiutsinnagit nakorsiartariaqarpoq.

Ingasaassinermut ersiutaasartut tassaasinnaapput meriannuneq, meriarneq, naakkut ippiorneq, inuummarlunneq, quup annallu qalipaataasa allannguuteqarnerat. Kingusinnerusukkut ameq isillu qaqortorta at sungapallalersinnaapput. Ajornerpaaffiani ullut pingasut qaangiunnerini tinguup sulionnaarneragut toqumik kinguneqartumik ilisimajunnaartoqarsinnaasarpoq.

Pinex Junior erlummut manguttagaq puigorsimagukku

Pinex Junior puigorsimagukku puigukkat ilanngullugu marloriaammik mangussinak pisarnittut nangeqqissavatit.

4. Kingunerluutit

Pinex Junior nakorsaattit allatulli kingunerluuteqarput inuilli tamarmik kingunerluuteqartitsisangillat.

Kingunerluutit ulorianaatillit

Qaqtigooqisut (atuisut 10.000-iuppata ataatsip inortunit misigineqartartut):

- Aap akuisa allannguuteqarnerisigut (aap akuisa tappiorannartunut nappaateqalersitsisartunut akiuuttartut aammullu issortitsisartut ikilinerisigut) ammikkut ameraasatigullu aanaartoqarnera tilluusarnerlu, peqqiilliorneq, aseruuttooqqajaaneq pingaartumik toqqusaarlunneq kissarneqarnerlu. Nakorsaq attavigigasuaruk.
- Annertuumik anerkilliorneq kalisattumik anerterineq. Nakorsaq ajoqusersimasunulluunniit nakorsiartarfik attavigigasuaruk. Pisariaqarpat ambulancimut sianerit.
- Tartut annertuumik ajoquserneqarnerisigut quup annikilliarturnera. Nakorsaq attavigiuk
- Anersaartuutit milissinnaanerannut navianaatilimmik oqaq, sigguit kiinallu pullalernerat. Ambulancimut sianerit.
- Qarsorneq, qasoqqaneq sungarpallannerlu aakilliorujussuarnermik patsiseqartut. Nakorsaq attavigigasuaruk.

Kingunerluutit ulorianaateqanngitsut

Nalinginnaasut (atuisut 100-uuppata ataatsip qulillu akornanniittunit misigineqartartut):

- Erlukkat qasilisitsineq.

Qaqtigoortut (atuisut 10.000-iuppata ataatsip qulillu akornanniittunit misigineqartartut):

- Qattuninguuttunik aniorneqalerneq (nældefeber).

Qaqtigooqisut (atuisut 10.000-iuppata ataatsip inortunit misigineqartartut):

- Amerlerneq.

Tamakku saniatigut Pinex Junior maluginngisannik aaversinnikkulli takuneqarsinnaasumik ass. tinguup sulinerata allannguuteqarsimaneragut kingunerluuteqarsinnaavoq.

Qaqtigorsuaq annertuumik amerlertut nalunaarutigineqartarput.

Kingunerluutininik nalunaarutiginninneq

Matumani taaneqanngitsut ilanngullugit kingunerluuteqaruit nakorsaq, peqqissaasoq nakorsaaterisorluunniit oqaluuttariaqarpat. Illit nammineq ilaqtavilluunniit kingunerluutit Lægemedelstyrelsimut Axel Heides Gade 1, DK-2300 København S, nittartagaq: www.meldenbivirkning.dk, Email: sst@sst.dk toqqaannartumik nalunaarutigisinnaavaat. Kingunerluutit nalunaarutiginerisigut nakorsaatip isumannaassusaa pillugu paasissutissanik annertunerusunik pissarsiniarnermut ikiuussinnaassaati.

5. Sumiinnissaat

- Meeqqat inorsillugit inissinneqassapput.
- Pinex Junior 25 gradit sinnerlugit kissassusilimmiinneqassanngillat
- Atorneqarfissaannut killiliussa qpuani allasimasoq qaammat naareersimappat Pinex Junior atorneqassanngillat.

Nakorsaatitukkavit sinnerisa qanoq pinissaat pillugu nakorsaatilerisoq aperiuk. Avatangiisit illersorniarlugit nakorsaatit sinnerinik kuuffimmut, anartarfimmut eqqaavimmulluunniit igitseqinak.

6. Poortat imartussusaat paasissutissallu allat

Pinex Junior 125/ 250 mg erlummut manguttakkat akui:

Nakorsaatitaa: paracetamol.

Akui allat: Hårdfedt (glycerolesterat).

Isikkui imartussusaallu

Isikkui

Pinex Junior qaqorivigatik torpedo-mut eqqaanartumik iluseqarput.

Imartussusaat:

Erlummut manguttakkat qulit

Nioqquteqarnissamut akuersissutilik tunisassiorlorlu

Actavis Group hf, Reykjavikurvegi 76-78, 220 Hafnarfjordur, Island.

Tunisassiorloq

bene-Arzneimittel GmbH , Herterichstr. 1-3, 81479 Munchen, Tyskland

Qallunaat Nunaanni sinniisoqarfik

Actavis A/S, Ørnegårdsvej 16, 2820 Gentofte.

Paasissutissiissut kingullermik nutarterneqarpoq august 2014